

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

2020 воын Коми Республикаын медбур велӧдысьяслы сьӧмӧн ошкӧм мынтӧм йылысь

“Медбур велӧдысьяслы велӧдан уджын шедӧдӧмторъясысь премияс йылысь” Россия Федерацияса Президентлысь 2018 во вӧльгым тӧлысь 28 лунся 679 №-а Индӧд, “Медбур велӧдысьяслы велӧдан уджын шедӧдӧмторъясысь премияс йылысь” Россия Федерацияса Президентлысь 2018 во вӧльгым тӧлысь 28 лунся 679 №-а Индӧд збыльмӧдан мераяс да Россия Федерацияса Веськӧдлан котырлысь 2017 во ода-кора тӧлысь 20 лунся 606 №-а шуӧм вынтӧмӧн лыддьӧм йылысь” Россия Федерацияса Веськӧдлан котырлысь 2018 во ӧшым тӧлысь 29 лунся 1739 №-а шуӧм, “Велӧдӧм сӧвмӧдӧм” Коми Республикаса канму уджтас вынсьӧдӧм йылысь” Коми Республикаса Веськӧдлан котырлысь 2019 во йирым тӧлысь 31 лунся 522 №-а шуӧм збыльмӧдӧм могысь Коми Республикаса Веськӧдлан котыр шуис:

1. Урчитны 2020 воын Коми Республикаын медбур велӧдысьяслы сьӧмӧн 6 ошкӧм на пиысь быдӧн 150 сюрс шайт мында Коми Республикаын медбур велӧдысьяслы велӧдан уджын шедӧдӧмторъясысь премияс сетӧм вылӧ конкурслӧн бӧртасъяс серти (водзӧ – конкурс).

2. Индыны, мый конкурссӧ нуӧдӧны Коми Республикаын медбур велӧдысьяслы велӧдан уджын шедӧдӧмторъясысь премияс сетӧм вылӧ конкурс нуӧдӧм йылысь положение серти, кутшӧмӧс вынсьӧдӧма Коми Республикаса велӧдан, наука да том йӧз политика министерствоӧн.

3. Вынсьӧдны 2020 воын Коми Республикаын медбур велӧдысьяслы Коми Республикаса республиканскӧй сьӧмкуд сьӧм тшӧт весьтӧ сьӧмӧн

ошкӧм мынтан пӧрадок содтӧд серти.

4. Индыны Коми Республикаса велӧдан, наука да том йӧз политика министерствоӧс Коми Республикаса олӧмӧ пӧртысь власьт органӧн, кодӧс уполномочитӧма:

1) лӧсьӧдны конкурс котыртӧм да нуӧдӧм могысь конкурсса комиссиялысь тэчассӧ;

2) мынтыны 2020 воын Коми Республикаса республиканскӧй съӧмкуд съӧм тшӧт весьтӧ медбур велӧдысьяслы съӧмӧн ошкӧмсӧ конкурслӧн бӧртасьяс серти.

5. Лыддыны вынтӧмӧн “Коми Республикаын медбур велӧдысьясӧс съӧмӧн ошкӧм йылысь” Коми Республикаса Веськӧдлан котырлысь 2019 во моз тӧлысь 26 лунся 398 №-а шуӧм.

6. Тайӧ шуӧмсӧ олӧмӧ пӧртӧм бӧрся видзӧдны Коми Республикаса Веськӧдлан котырӧн Юрнуӧдысьӧс вежысьлы, кодӧ кывкутана могьяс юклӧм серти координируйтӧ велӧдан юкӧнын канму политика збыльмӧдан юалӧмьяс серти Коми Республикаса олӧмӧ пӧртысь власьт органьяслысь уджсӧ.

7. Тайӧ шуӧмыс вынсялӧ сӧйӧс примитан лунсянь.

Коми Республикаса Веськӧдлан котырӧн

Юрнуӧдысьӧс вежысь –

Коми Республикаса съӧм овмӧс министр

Г. Рубцова

Сыктывкар

2020 вося лӧддза-номья тӧлысь 16 лун

305 №

ВЫНСЬӦДӦМА

Коми Республикаса Велькӧдлан котырлӧн
2020 во лӧддза-номъя тӧлысь 16 лунся 305 №-а шуӧмӧн
(содтӧд)

2020 воын Коми Республикаын медбур велӧдысьяслы
Коми Республикаса республиканскӧй сьӧмкуд сьӧм тшӧт весьтӧ
сьӧмӧн ошкӧм мынтан

ПӦРАДОК

1. Тайӧ Пӧрадокыс ладмӧдӧ 2020 воын улыс тшупӧда ӧтувья, подув тшупӧда ӧтувья да шӧр тшупӧда ӧтувья велӧдан уджтасьяс збыльмӧдысь Коми Республикалӧн велӧдан организациясса медбур велӧдысьяслы (водзӧ – медбур велӧдысьяс) Коми Республикаса республиканскӧй сьӧмкуд сьӧм тшӧт весьтӧ сьӧмӧн ошкӧм мынтӧм серти юалӧмъяс.

2. Медбур велӧдысьяслы сьӧмӧн ошкӧм мынтӧм вылӧ рӧскод кӧсйысьӧмъяссӧ сьӧмӧн могмӧдӧны Коми Республикаса республиканскӧй сьӧмкуд сьӧм тшӧт весьтӧ, мыйта урчитӧма “Велӧдӧм сӧвмӧдӧм” Коми Республикаса канму уджтасын, мый вынсьӧдӧма Коми Республикаса Велькӧдлан котырлӧн 2019 во йирым тӧлысь 31 лунся 522 №-а шуӧмӧн, медбур велӧдысьяслы – Коми Республикаын велӧдан уджын шедӧдӧмторъясысь медбур велӧдысьяслы премияяс босьтӧм вылӧ конкурсын вермысьяслы (водзӧ – конкурс) сьӧмӧн 6 ошкӧм мынтӧм вылӧ быдӧнлы ӧтчидысь 150 сюрс шайтӧн арталӧмӧн.

3. Медбур велӧдысьяслы сьӧмӧн ошкӧмсӧ мынтӧны сьӧмкуд ассигнованиеяс мындаын, мыйта урчитӧма Коми Республикаса велӧдан, наука да том йӧз политика министерстволы Коми Республикаса республиканскӧй сьӧмкудйын лӧсялана финансӧвӧй воын индӧм могъяс вылӧ.

4. Медбур велöдысьясöн сьöмön ошкöм босьтöм вылö 2020 во кöч тöлысь 10 лунöдз кадколастö Коми Республикаса велöдан, наука да том йöз политика министерствоö сетöны:

1) сьöмön ошкöм мынтöм йылысь шыödчöм лицевöй тшöтлысь номерсö индöмön, кутшöмöс востöма Россия Федерацияса кредитнöй организацияын гражданинлön ним вылö, кодöс шуöма медбур велöдысьöн, медым вуджöдны сьöмön ошкöмсö;

2) документ копия, мый эскöдö гражданинöс, кодöс шуöма медбур велöдысьöн.

5. Медбур велöдысьяслы сьöмön ошкöмсö Коми Республикаса республиканскöй сьöмкуд сьöм тшöт вестö мынтöны конкурсын вермысьяслысь список вынсьödöм йылысь Коми Республикаса велöдан, наука да том йöз политика министерстволön тшöктöd подув вылын, кутшöмöс йöзödöма конкурс помасян лунсянь 10 уджалан лун чöжөн.

6. Коми Республикаса велöдан, наука да том йöз политика министерство Коми Республикаса республиканскöй сьöмкуд сьöм тшöт вестö мынтö медбур велöдысьяслы сьöмön ошкöмсö 2020 вося вöльгым тöлысь 1 лунöдз сьöмön ошкöм мынтöм йылысь шыödчöмын индöм лицевöй тшöтлön реквизитяс серти сьöмсö безналичнöя вуджödöмön.